

Banco Central di Aruba a mantene e reserva obligatorio pa banconan comercial na 12,5% entrante 1 di december 2025

Comunicado di prensa

Banco Central di Aruba (BCA) a dicidi durante e reunion di MPC di 27 di november 2025 pa mantene e tasa di reserva obligatorio pa banconan comercial na 12,5% entrante 1 di december 2025.

Puntonan principal:

1. Reservanan adecua apesar di crecimiento den credito

Te cu september 2025, reservanan a surpasa substancialmente e normanan cu BCA ta mantene, apesar di un aumento den credito. Ademá BCA ta anticipa cu e reservanan di divisa lo keda suficientemente adecua.

2. Un inflacion abou

Na september 2025, e inflacion midi na final di luna contra e mesun luna di e aña anterior a permanece na un nivel relativamente abou di -0,4%. Riba un promedio anual e inflacion a alcanza 0,2%.

3. Incertidumbre mundial economico

E incertidumbre mundial na e momentonan aki por impacta e reservanan di divisa y inflacion, cu por causa desviacionnan for di e proyeccionnan actual cu ta fungi como e punto di salida ("baseline").

BCA ta monitor indicadornan monetario y economico di cerca y lo ahusta su posicion di maneho monetario ora ta necesario pa mantene e tasa fiho di e florin na e dollar Mericano.





Pa mas informacion por manda un email na: communications@cbaruba.org

Banco Central di Aruba

18 di februari 2026